

آبونه شرائطی

ممالک عثمانیه ده سنه لکی (۶۵) ، التي
آیلغی (۳۵) غروشدور .
ممالک اجنبیه ده سنه لکی (۱۷) ، التي
آیلغی (۹) فرانقادر .

اداره خانه

باب عالی جاده سنده اورخان بلكه خاننده
نومرو ۲۳-۲۶

اضطارات

آبونه بدلی پیشیندر .

§

مشالکه موافق آثار مع الممنونیه قبول
اولنور . درج ایدیلیمه یازیلر
اعاده اولوماز .

الکشاف

سر ۱۳۳۰

اضطارات

رساله مزدن آلتدیغی کون ترمک شرطیه
بتون یزیلر هر هانکی رغزته طرفندن
اقتباس اولونه ییایر .

§

مکتوبلرک ، امضارک واضح و
ارقوناقلی اولمسی و آبونه صره
نومروسنی محتوی بولونمسی لازمدور .

§

ممالک اجنبیه ، بچون آبونه اولالارک
آدرس لرینک فرانسه یزیده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

والله يهدي من يشاء الى صراط مستقيم

دینی ، علمی ، ادبی ، سیاسی هفته لقی مجموعه اسلامیه در

اتبعون اهدكم سبيل الرشاد

صاحب و مدیر مسئول : ع . اشرف ادیب

عدد ۴۸ - ۲۳۰

صفر ۲۹ ۱۳۳۱

پنجشنبه

۲۴ کانون ثانی ۱۳۲۸

جلد ۲ - ۹

قونفه رانس

سیاح شریع عبدالرشید ابراهیم افندی حضرتنری طرفندره
دارالفون صالوننده

۲۱ کانون ثانی بازار ایرتسی اقشای

افندیلر ، اون بش کوندن بری استانبولده یوق ایدم ، سیاحتده بولونیوردم . بوکون کلدیم . اثنای سیاحتده احوال حاضرده داتر مشاهداتم حقنده سزه برار معروضاتده بولونه جقم .

کانون ثانیك اوچنجی کونی ایدی ، بورادن رومانیسا واپوریه مصره حرکت ایتدم . چناق قلعه بوغازینه کلنجه علی العجلاه چیقماق اوزره بزه تنبیهاتده بولوندیلم . دکنزه آجیلیر آجیلماز ، برحق ساعت قدر صوکر ، یونان دونانماسنه راست کلدک . اووقت استعجالک معناسی آکلاشیلیدی .

ایرتسی کون ، پیریه کلدیگمز زمان ، بومباکی بر خبر بینمزه باطلادی : کویا دونانماز تمامیه محو اولمش ! طیبی بو خبر روملر طرفندن ویریشیدی . بو خبری ایشیدیرایشیتمز ، واپورده کی مسلمانلرک کافه سی اواش ، مزاره کیرمش کبی بر حاله دوچار اولدیلم . اودرجه که اوکون قاردهده بولونان آرقداشلردن هیچ بری بمکه بیله چیقمادی . واپور هر نه قدر پیردهده چوق قالمادیسهده ، اوکلدن صوکر رومانیسا پیردهده تلسر تلغراف آلمش : خایر ، بزم دونانمایه بر شی اولماش . معافیله قلبلری استیلا ایدن حزن و کدر اوقدر چوق ، اویدر کثیف ایدی که بو خبرله بیله تماماً زائل اوله مادی .

اسکندریه کلدیگمز زمان حمیدیه نك موفقیاتی تبشیر ایتدیلم . اخوان ، احبا ایسه کوروشور کوروشمز ، سلام کلامدن اول ، احوالدن معلومات آلمق ایسته یورلر ، استانبولدن تبشیرات بکله یورلر ایدی . حتی هیچ طانیما دیغمز آدملر : - یاسیدی اشنی (ای شی فیه)؟ دیه صوریورلر . برشی سوبله مک اقتدارنده دکل ایدم . معافیله تبشیرانده بولونیوردم : قطعاً حکومت ادرنده ، آطه لردن وازچیمیه جک ، دییوردم . بونی بویوک تبشیرات ! دیه تلقی ایدیوردیلم . چهارشنبه کونی اقشام اوزری ایدی ، قرق الی کشیدن مرکب بر جمعیه دعوت ایدلمشدم . بوجعیتدهده تبشیرانده بولوندم . هب «اوله جق !» دن بحث ایدیوردم . قلبلری بر آرزو طمین ایچین بویله ایجاب ایدیوردی . انشاء حکومت صوک نفسه قدر ادرنه و آطه لرک محافظه سنه چالیشه جقدر . اولمازسه محاربه محقق در ، دییوردم ...

بز بویله یوکسکلردن آتوب طوتارکن ، ساعت طقوز اون راده لرنده ، بریسی بر تلغراف کتیردی : حکومت عثمانیه ادرنه بی بلا مقاومت تسلیم ایتدی . . . وای ، بونه حال ؟ بزه سویلیوردق ، تلغراف نه دییور ! بزم سوزلر یالان چیقدی ، هم دها آغزیمک صوی قورومه دن . بو خبر اوزرینه هر کسک قنادی دوشدی . هله

کیده جکز . کورویورسکیز که بوتون اقوام انسانیه ایلری به کیدیور ، یالکیز بز دوریورز . بوندن اون سنه ، یکریمی سنه ، حتی ده اول بوفلاکتی کسیدیرلر ، کورنلر واردی . سویلدیلر ، قولاق ویرمدک ، آدم سن ده ! دیدک ! نه ایسه شیمدی «مضی ماضی» دیهلم . بکن کچمشدر . فقط شوقالان حیاتی اولسون قورناردهلم . اولان اولدی ، دیه یأس کتیرمک ، درت اوچنی صالیورمک عقللی ایشی دکلدر . ذاتاً مسلمانانده بو یوقدر . (لاتیاسوا من روح الله) عنایت الهی دن مایوس اولمایکیز ؛ صاقین امیدکزی کسمه یکیز . (لا تقنطوا من رحمة الله) یأس حرامدر . اوله ایسه بوندن صوکرایی ایچون نه یایمق لازم کلیرسه یایلم ، آل برلکیله یایلم .

پیغمبریمز افندمز حضرتلرینه بری صوردی : -- اسلام نه در ، یارسول الله ؟ ...

— «الاسلام حسن الخلق» اسلام ، حسن اخلاقدن عبارتدر ، بیوردیلر . ینه صوردی :

— یارسول الله ، حسن خلق نه در ؟

بیوردیلر که : «ان اصل من قطعک وتعطی من حرمک وتعفو عن من ظلمک» یعنی سکا طاریلان ، سنکه رابطه یی قطع ایدن آدمله باریشماکدر ؛ سنی محروم بر اقایه بالمقابله ویرمه کدر ؛ سکا ظلم ایدنه ده خوش کوروب عفو ایتمه کدر .

آرتیق بوندن بویله اخلاقی اوله یه چالیشهلم . چونکه اخلاقسز بر جماعت یاشاماز . مضی ماضی دیهلم ، تفرقه لره خاتمه ویرلم . چونکه عاقبتی کوردک . ائی بیاملی بزه فلاکت حاضردهده همزک ، اوت ، بلا استننا همزک بر حصه مسئولیتی واردر . هیچ کیمسه کندیسنی دارایه چیقارماسون . شیمدی هر کس وجدانه قارشی فلاکت حاضردهدن مسئول اولدیغی ؛ عمومک مسئولیتی میاننده کندیسنکده حصه دار اولدیغی اعتراف ایدرسه اوزمان ایش باشقه . لاشیر ؛ اوزمان ال برلکیله خسته لغک چاره سنه باقیلیر . حکومت ، ملت ، اردو ... بزدن بر چوق فدا کارلقلر بکله یور . بز بوفدا کارلغی دینمزی ، وطنمزی ، کندمزی محافظه ایچون اختیار ایده جکز . علما علمیه ، زنکینلر ثروتیه ، فقیرلر کوجلری یتدیکی قدریله ، الی سلاح طوتانلر قوتیه چالیشه جق . بوبرورجدر . بوندن قاجق حرامدر ، دینه خیانتدر . هر شینی حکومتدن بکله مه ملی .

چونکه مسلمانلغک صوک امیددی اولان بو حکومت ، بو حکومت خلافت آرتق حیانه وداع ایتک اوزره . دشمن مرکز خلافتدن بش اتی ساعت اوتدهده طورییور . شیمدی به قدر اولر ناصیل چالیشدیلم ، بزه قدر لاقید قالدق ، هممز بیلیورز . بونکه برابر دهامیدلر بوسبوتون منقطع اولماشدر . دها اسلام ایچون حیات موعوددر . چالیشملی ، حکومتی ، اردویی تقویه ایتلی . اللهم انصر الاسلام والمسلمین . اللهم افرغ علينا صبراً وثبت اقدامنا وانصرنا على القوم الکافرين . ربنا آتنا فی الدنیا حسنة وفی الآخرة حسنة وقنا عذاب النار .

ایشیدنجه اولرنده نه قدر کومور وارسه طویلامش، قایقاره طولدور-
مش، حمیدیه نك اطرافنی صارمشار، متصل کومور ویریورلر .
اووخ، یاربی، نه صمیمی منظره اخوت . اغلاماق ممکن دکل . . .
اوتهدن برفلاح، برکوبلی طوربه سنه اون بیک انکلیز لیراسی
طولدورمش، حمیدیه کتیروب رؤف بکک اوکزه آتمش. [سامعین :
الله راضی اولسون، یاشاسین اخوت اسلامیه !] رؤف بک ایسه :
— افندم، تشکرایدرم، فقط بزم پارهیه احتیاجم یوق، چونکه
بز اولوم ایچون چیققدق. بوقدر چوق پارهیه ده باطیرمه نك معناسی یوق.
— خایر، اولماز؛ الا آلاچق سگ .

دیه ساعتلرجه آدجغز اصرار ایدر ونهات آکلاشهرق اون بیک
لیرایی لجنة علیایه کوندرلر . اهانیک غلیانی اودرجه ده در . انکلیزلر
حاکم اهمیتتی تقدیر ایدرک سویشدن کومور ویره جکلرینی وعد
ایدرلر . هایدی بتون عربلر سویشه قوشوشور؛ کیمیی تره نه
بنیور، کیمیی یتشدیره یور؛ کیمی بیلت آلمش، کیمی آله ماش...
برغلیان که لسان ایله تعریف ایدیلر من .

رؤف بکک بالذات کنديسندن ایشدیکمز کوره : حمیدیه اوپله،
سیسلی هواده دکل، بالعکس غایت پارلاق، صاف، براق هواده
یونان دوناماسی آرهنسندن کچر، طوغرو شیرایه کیدر .

الاتورقه ۱۰ راده لرنده، شیرانک اوکزه کلدیکی زمان ۱۲ بیک
طونلق ما کدونیا واپورینی اوراده بولور. هم نصل برحاله؟ ایچرینی
باشدن باشه جبخانه ایله طولو. هم اوقدر طولوکه دکر صو کسینی
بیله آشمش. یاننده برانکلیز واپوری ده وار ایش. بو واپورک
چکیلیمی ایچوق حمیدیه اشارت ویرر، انکلیز چکیلیمور. حمیدیه
ایکنجی بر اشارت ویرر و بش دقیقه مهلت اعطا ایدر. انکلیزلر ایشی
اکلایه رق هان بتون دیرکاره انکلیز بایراقلری طولدوره رق آچیلیر .
حمیدیه ده برنجی کولله نی صاووریر . انکلیز کیمینک مقصدی، ما کدونیا
قاجیرمق ایدی. چونکه اجنئی سفارتخانه لری جوارنده اوپله بریر وار
ایش که ما کدونیا واپوری اورایه صوقولسه یش باطیرلمسی براز مشکلاتی
موجب اولورمش. انکلیز واپوری بومقصدی تأمینه چوق چالیشمش؛
فقط رؤف بکک عزم وجدیتی قارشوسنده موفق اوله ماش. حمیدیه
۲۲ کولله آتمش، یالکیز ایکینی صویه دوشمش، یکر مینسی ده تماماً
اصابت ایش. دها ایکنجی کولله ده ما کدونیا ده یانغین بانلامش،
ما کدونیا باطدقن صوکر حمیدیه طویلرک آغزینی بازوتخانهیه
چویرمش؛ اورایه ده یکر می کولله صاوورمش، بعده دکره آچیلمش
یدی میل کتدکن صوکر، دیورلر، باقدق بتون آطه طوتوشمش
کی دومانلر ایچنده قالمش، یانیوردی. یولده برقاق یونان طوریدوسنه
راست کلوب اولری ده پوسکورده رک پورت سعیده کلش .

رؤف بکک کندی آغزندن آلدیغمز حوادث بو. مصریلر بوموقیتی ده
خبر آنجیه ده از یاده غلیانه کلدیلر . مصریلرک همتلرینی تعریف قابل
دکدر . مصره کتدیکم زمان بالقان محاربه سی ایچون طویلانان اعانه نك

هله باشی فسلی اولان ایچون سوقاغه چیقماق یوق. کیمسه نك یوزینه
باقه جق حیثیتمز قالمادی. مفلوج آدملر کی اولمش ایدک. تفصیلات
المق ایچون ایرته سی کونکی غزته لر منتظر قالدق. اوراده صباحلین
غزته بولونما یور، اوپله دن صوکر چیقور. صباحلین تلغرافلر انتشار
ایدر. صباحکی تلغرافلر اقشامکی حوادثی تصدیق ایتدیلر. کونده
اوج، درت دفعه تلغرافلر مصره کایور. ایکندی وقتی ایدی
بر تلغراف دها کلدی : ماینده بر « مجلس کیر ملی » تشکیل
اولونمش، بوقدر ارکان، شو قدر رجال وعلما حاضر اولمش !
بوراده حکومتک قرارینی تصویب ایشلر ! آل سکا بر یاره دها .
آرتق بزم ایچون مصرده یاشامه نك هیچ امکائی قالمادی. دکل بیانجیلره،
احبابلره بیله کوزوکه یه یوزم قالمادی. نه دیه جکمی شاشیردم، عادتاً
خسته اولدم. بویوک فلاکتلر آتلاتدم .

آرتق یاشامه دن، عثمانلیقدن، انسانلقدن، هرشیدن مجرد ایش
برحاله مسکین مسکین کوز یاشلری دوکرکن، جمعه کیجه سی یاتسودن
صوکر بر خبر کلدی، استانبولده بر انقلاب اولمش. بو، نه؟
بعث بعدالموت می؟ اینانه مدق. بولوندیغ خانه صاحبی تفونه امنیت
ایده مدی. آزانسلره، اوتیه بری به آدملر کوندردی. وقت کج
اولدینی ایچون بر دلو ایشک حقیقتی آکلایه مدق. مع مافیه بوفیصیاتی
بر الکتریک قوتیله بتون قاهره یه انتشار ایشدی .

صبح اولدی، یوم جمعه، مبارک برکون ! دها تلغرافلر بیله
چیقمه دن اول مصر قاریشدی، الت اوست اولدی. اهالی سوقاقره
دو کولمش، آقین آقین کیدیور، « الله ینصر السلطان » دیه باغیرییور.
الرنده بایراقلر، چشیدچشید نمایشلر. اورانک الکتریک تراموایلری ده
عجابشدر : بری بری ارقه سی صره اون دانه، اون بش دانه کچر .
هپسی طولو. اوقدرکه ایچنه صیغما مش ده تپه سنه بنمشلر. بری ده
دیره کنه آصیلوب قالمش، اورادن باغیرییور : الله ینصر السلطان
الله ینصر السلطان... بتون مصر اوکون بر دوکون بری اولدی .

اوپله یه یقین بزده حقیقت حالی اکلاقدق، فقط اهالی دها کیجه دن
حوادثی آلمش. چونکه تلغراف خدمه لری مصرلی عربلر اولدینی
ایچون حوادثی مطبوعاندن اول مصره یامیشلر. نمایشلر اونک
اوزرینه آلمش یورومش. جمعه کونی بتون عربلر بویله نمایشلر اجرا
ایتدیلر. اوکون اوپله دن اقشامه قدر بش، التي ساعت ظرفنده
لجنة علیایه [*] اوتوز التي بیک انکلیز لیراسی اعانه طویلانندی .

تحف تصادف ! حمیدیه قرووا زوری پورت سعیددن کلش، او
کون اوراده بولونیوردی. کوموری بتمش ده کومور ایسته مک اوزره
کلش. فقط انکلیز مأمورلری هیچ کومور ویررمی؟ باخصوص که
یونان قونسولوسی پروتستو ایش؛ صرکرا خاطری قایلر. عربلر بونی

[*] دولت علییه اعانه طویلامق ایچون مصرده (لجنة علیا) نامیله
برجمیت وار. بونک برچوق شعبه لری موجوددر. مرکزی ایسه اسکند
ریه ده در و عمر طوسون باشانک تحت ریاستنده در. ایسته اصل «لجنة علیا»
بومرکزه دیرلر .

یکونی (۳۳۲,۰۰۰) انگلیز لیراسی ایدی . بو کون ایسه محقق یاریم میلیونی بولمش ، بلکه کچمش در . یعنی مصرک هر طرفده غلیان وحیت فوق العاده در .

ذاتاً بوتون کره ارضک مسلمانلری فعلاً و قلباً بو محاربه یه اشتراکده قصور ایتدیله . بو کون کلدیم و بو کون سنغابوردن بر مکتوب آلدیم . بزم حالمزه وادرنه نیک تسلیم اولونه جغه دائر یانه یاقیله یازیورلر ، بیان تأسف ایدیورلر . سنغابورک ، جوانک مسلمانلری ، بوراده کی مسلمان قارداشلرینه آجیورلر . آلدیغم مکتوب ایشته بو [مکتوبی او قودی] . ایکنجی بر مکتوبده ژاپونیادن . مخدوم کوله کز اوراده در ، او یازیور . تو کیوده ییدی بیک دارالفنون طلبه سی بالاجتماع بویوک برمتینغ یامشله . اوروپاک بار بار لغنه قارشى کندی حکومتلری عثمانیلره مظاهرت ایتمه دعوت ایدیورلر . [آقیشلر] و بوطلبه یه اللی بیک کیشی اشتراک ایدیور . و حقوق سیاسیه فاکولته سنه دوام ایتمکده اولان (۱۰۱) امضا ایله بزم دارالفنون طلبه سنه مکتوب یازیورلر . یا آلمش سکزددر ، یا آلمی اوزره بولونیور سکز . مکتوبده ژاپونلرک معناً و ماده عثمانیلره معاونت و اشتراک ایده جکلری یازیورلر . [وار اولسونلر .] دیمک یانکیز مسلمانلر دکل ، بوتون شرق احوال حاضرده مزدن متالم اوله رق بزه مظاهر اولیورلر .

برادرلر ، بو حاللری نظر اعتباره آلدقندن صوکر ا برده کندی نفسمزه مراجعت ایدرسه ک ، کندی احوالمنزى اونلرک احوالیه مقایسه ایدرسه ک حالمزه آغلاماق ممکن دکدر . بو حال اسف اشتاله قارشى عجیباً بزنه درجه متأثر ؟ حالقهوهرلری ترک ایده مدک ، حالسیغاره لرمنزى فدا ایده مدک ؟ نه حالده یز ؟ اولوم میدر بو حال ؟ حیات میدر بو حیات ؟ بزم حالمزدن بوتون دنیا متأثر ایکن بزهر شیلردن بی خبر ، نه بر تأثر ، نه بر فدا کارلق ! کا نه بز اورالرده دکلز .

ای برادرلر ، ای قارداشلر ، سزه دیورم که : بو کون سوز زمانى دکدر . بز آکلادق که قونفراسلر ، بیلم نه لر ، بول بول سوزلر یکدیگرمنزى اغفالدر . بوش وقت کچیریورلر . بو کون سوز نمایشنى زمانى دکدر . بو کون فعلیات زمانى در . اسکندریه دن عودتمده کوردم : سورو سورو روم پاپاسلری اللرنده صندیق ، قوطو قپو قپو اعانه طویلا یورلر . بزم علمامزک ایسه محاربه نیک کلوب کچدیکنندن خبری یوق . یازیق دکل ؟ عیب دکل ؟ اسکندریه که ، اونلره نسبتله ، بر اجنبی مملکتی در . اوراده کی روملردن اعانه طویلا یورلر ، بیغین بیغین پاره لر یونانه تسلیم ایدیورلر . بزم ایسه نه علمامزده بویله برهمت کورونیور ، نه جامع لر مزده بر موعظه سویله نیور . بو حالمزه تأسف ایتیوبده نه یه تأسف ایدلم برادرلر ؟ نه قدر طوکشز . دشمنلر بزم بو حاللرمنزى مشاهده ایدرک بوکا کووه نیورلر . بویوک برفلاکت آتلاتدیغمنز حالده ینه عقملمز باشمزه کله یور . مع مافیه هر نه اولدیه اولدی ، کچن کچدی ، کچن ایچون کیمسه بی مؤاخذه ایتیه یوب یارین فعلاً چایشملی ، قپو قپو کزهرک پاره طویلاملی در .

سرایده طویلانان « مجلس کیرملى » دیدکلری مجلسده مالیه ناظریمز خزینه مزده برپاره یوقدر دیمش . بو خبر مصرده انتشار ایدنجه هر کس کیسه سنی بوشالتدی . مادام که حکومتک پاره سی یوق ایمش ، اوحالده بو محاربه بی ملت یاه جق در ، دیدیلر . یعنی حکومت ، ملتک معاونتیه مظاهرتنه کووه نهرک بو محاربه بی باشه چیقاره جق در . بناء علیه ملت بو کوندن اعتباراً نه اوله جغه باقاییوب کوزینی قاپاییوب بوتون وارینی فدا ایتلی . برادرلر ، شونی ده عرض ایده حکم که : ممالک اجنبیه ده کی مسلمانلر نه دن بزم ایچون بوقدر اوزولیورلر ؟ مصرلیلرک نه سنه ؟ دنیاده الکراحت کچینه ، الکزنکین بر ملت مصرلیلردر . اونلرده اعتراف ایدیور که بوزنکینک انگلیزلر کلدکدن صوکر ا کیش . بونکله برابر مصرلیلرده قطعاً انگلیزرو حی یوقدر . بالعکس مصرلیلرک الک بویوک دشمنی انگلیزلردر .

بو کوندن اعتباراً بر مسلمان کیدوب بر خرسیتان قهوه سسنده بولونمایور . خرسیتان مغازه سندن بر شی المایور . شیمدی یه قدر مسلمان بقال بولونمازمش . بو وقعه دن صوکره مسلمان بقال مغازه لری آچمشلر . خرسیتانلره آلیش ویریشی کسمشله .

نه دن بونلر بو درجه یه کیشلر ؟ برادرلر ؟ بونک سببی نه در ، بیلیورمیسکز ؟ بو ، محکومیتک تأثیردر . اونلر محکومیتک ، اسارتک ، اجنبی استیلا سنک نه اولدیغنی آکلامشله . بالذات آجیسنی طویمشلر . محکومیت ، اسارت . . . بونلر اوقدر آجی شیلردر که کورمینجه انسان تقدیر ایده من . هندستاندن بو قدر تلغرافلر یاغدیوریورلر . نه دن ؟ چونکه استقلال کتدکدن صوکر ا مسلمانلرک نه حاله اوغرایه جغنی بیلورلر . بزم روسیه دن بوقدر کوکلورلر کلیور . اونلری سوق ایدن ، اسارتدر . بزه نسبتله ، اونلرک یاشایشلری نه یی در . فقط ایلرین دوشنیورلر . سز که دارالفنون طلبه لر سکز ، بونعمت عظمانک قیمتی تقدیر ایده مدیککزدن او یوشمش قلش سکز . قارداشلر ، آرتیق انتباه زمانى کلدی . ال برلکیله چالیشه لم . سوزدن زیاده فعلیات ایله ایش کورهم . استانبولده بو قدر انسان وار . هپ بردن حرکتیه کلسه دنیالر یزندن اوینار . بن آلمش بش یاشنده بر آدم . اون اوقه ، اون بش اوقه جیخانه آرقه مه آلیر ، چتالجه یه قدر کوتوره بیلیم . بن دیمک ایسترم که هیمز برر ایش کوره بیلیرز . بو کون هر نوع فدا کارانی التزام ایده جک کونمزددر ، قارداشلر . بونک ایچون رجا ایدرم ، تکرار ایده حکم که : چوق سوزدن ایسه آرایش کورهم . بتون اخوان هر طرفه دو کوله لم . وعظلم ویرهم . کیمیمز چتالجه یه کتسون ، کیمیمز اعانه طویلا سون . بتون ملت حرکتیه کلوب دینی ، وطنی ، ناموسمنزى محافظه یه ال برلکیله چالیشه لم . « نصر من الله وفتح قریب وبشر المؤمنین یا محمد ! »

[حضرت ، قونفرانسی اکمال ایتدکدن صوکره (مدافعه ملیه) هیئت طرفدن کونده ریلن صندیغه ایملک اعانه یی آتمش ، متعاقباً هیجانه کلن حضار کرام اعطای اعانات خصوصنده مسابقه ایدرجه سنه ابراز همت ایتشلردر . دین ووطن یولنده چالیشانلره الله معین ونصیر اولسون !]